

恩平縣志

紀事

古有祥異志無編年志但祥異而不編年則時代遷流無從攷證宋元前恩江事多湮沒無傳明季疲難較他邑爲甚近三百年來閱世生人閱人成事其中有天時人事足資觀感者皆錄而存之前事不忘後事之師也志紀事

[illegible]

恩平縣志卷十三

紀事一

唐帝命義叔宅南交

虞帝命夏王導黑水入於南海

商王定南越獻令

周武王十三年己卯定南海爲藩服

顯王三十五年丁亥楚滅越

越伐楚楚子熊商大敗之滅其國越人遂散處江南海上各
爲長名爲百粵

按越人避楚害易其名爲粵粵之稱始此其後漢江都易王

問董仲舒越王勾踐綱目書越爲粵則粵與越通

秦始皇二十五年已卯定百粵

是時遣大將王翦南征百粵悉定其地

三十三年丁亥立四郡

初分天下爲三十六郡既定百粵復立閩中南海桂林象郡
凡四郡以任囂爲南海郡尉趙佗爲龍川縣令

漢高帝元年乙未冬十一月南海尉任囂卒趙佗代爲尉趙佗聞
囂卒自龍川起兵至南海郡代領其衆復擊并桂林象郡改南
海爲南武自立爲南武王都番禺旋稱南武帝

孝文帝元年壬戌秋八月遣大中大夫陸賈諭南越去帝號南

越王趙佗上書稱臣奉貢

孝安帝元初三年丙辰春正月蒼梧合浦蠻反二月遣御史任
逵督州郡兵討之三月赦諸吏人爲賊所迫者冬十一月蒼梧
合浦蠻降

孝獻帝建安元年丙子交趾太守士燮以其弟壹爲合浦太守
時賊殺交趾刺史米符州郡多亂燮乃表一領合浦

後漢帝建興四年丙午

吳黃武五年

析合浦以北南海蒼梧鬱林三

郡置廣州

按廣州之名始此

晉世祖太康元年庚子冬十一月海安令蕭輔反

愍帝建興三年乙亥徙陶侃爲廣州刺史

梁武帝天監五年丙戌秋七月分廣州置桂州

按東西兩廣之名始此

隋文帝開皇十八年丁巳括嶺表大船

自江南至嶺表船長二丈以上者悉括入官防海上嘯聚也

唐天寶元年壬午置清海軍於恩州

代宗大歷十年乙卯封第五子連爲恩王

德宗建中四年癸亥十二月貶白志貞爲州司馬

興元元年甲子嶺南選補使陳歸有罪配恩州

武宗會昌四年甲子貶崔珙爲州司馬

六年丙寅八月以州司馬崔珙爲安州長史

宣宗大中六年壬申貶驍衛將軍張直方爲司戶

懿宗咸通十一年庚寅貶康承訓爲州司馬

宋太祖開寶五年壬申夏五月省廣南州縣

於是徙州治於陽江九年廢恩平縣併入陽江

南宋高宗紹興十九年己巳夏五月免新恩二州行錢

三十年己卯夏五月海賊陳演添掠高雷廉二州州民林觀擒

殺之命觀以官

孝宗乾道九年癸巳旱

知州陳豐撰青詞祈雨詞見職官名宦

度宗咸淳二年丙寅大有年

嘉禾一莖三穗州守涂久大建瑞禾亭於東山

端宗景炎二年丁丑春二月丁亥知州陳堯道僉判林叔虎降於元

帝昺祥興二年己卯夏五月太傅張世傑至海陵山舟覆死之
陸秀夫抱帝昺投海死宋亡

元仁宗延佑六年己未春正月南恩新州猺龍郎庚等寇郡縣命
江西行省捕之

成宗元貞元年南恩盜起滅里于初領兵平之

英宗至治元年辛酉秋七月饑賑之

二年壬戌南恩賊譚庚生等降

泰定帝泰定元年甲子春正月饑賑之

二年乙丑春饑賑粟有差八月饑復賑

三年丙寅九月旱民饑賑之

文宗至順元年庚午七月饑

順帝至正元年辛巳旱州守謝必昌祈於社得雨乃有秋

至正六年庚辰二月謫河南省左丞相伯顏於南恩州安置

十七年丁酉土寇吳元良據州城

元良綿鄉人判肇慶至正十年同黨黃善之謝漢昌等私立
萬戶長強徵民糧行劫新興新會令權知州陳朝宗奪民田

民苦之至是據城叛

二十六年丙午蛋戶何均受殺吳元良自稱元帥據州城

明太祖洪武元年戊申春二月遣征南將軍廖永忠取廣東元江

西行省左丞何眞降

是年冬十有一月永忠破何均受追至石港擒之餘黨悉平

三年庚戌州廢

十五年壬戌頒臥碑於學宮

二十四年辛未詔廢寺觀

詔每縣止存一區餘併爲叢林

成祖永樂十九年辛丑夏四月詔蠲逋賦

仁宗洪熙元年乙巳春正月弛金銀坑冶之禁

詔金銀場礦除官封外其有司看守及禁約者聽民採取

英宗天順六年壬午大水

八年甲申詔免稅役

英宗崩憲宗即位以廣東寇賊生發多因官司採辦物件守令不得其人以致饑寒逼身嘯聚爲盜詔有能悔過自散者宥其罪戶下拖欠稅糧等項悉皆蠲免仍免雜派差役三年憲宗成化元年乙酉春三月按察司副使毛吉討賊遇害於雲

岫山

山在縣治北五十里

二年丙戌冬十有一月詔赦兩廣盜賊

聽其復業免糧差二年官司善加撫卹

三年丁亥大饑

唐開元二年嶺南竹有花實如麥是歲大饑民採食之占曰
竹柏枯不出三年有喪故老傳刺竹五十年一實而枯則盜
起民饑上年丙戌邑內刺竹實而枯其後宏治丙辰正德甲

戌嘉靖壬戌皆驗

十五年丁卯析新會陽江新興地置恩平縣

自廢縣後僉事陶魯築堡防賊至成化二年丙戌軍民人等
陳言將新會新興陽江附近里圖民人湊撥以堡爲縣

按察副使陶魯勘得恩平縣在陽江水東都要險地南通陽江北通新興東接新會三塗往來合設縣治屬肇慶管轄陽江析出附近永東仕峒二都共四圖新興析出附近靜德都八圖長居都七圖新會析出德行都松柏山甲見在三圖上恭甲一圖計三縣析出共五都二十三圖軍民戶三千四百一十一男婦人口一萬二千六百六十五田地塘稅二千一百六十頃五十四畝零秋糧一萬二千八十一石零夏稅米一石零農桑絲六兩零戶口食鹽鈔三萬九百八十四貫題奉通行委通判厲述新興縣縣丞何全陽江縣縣丞陳永政俱於成化十四年十二月二十九日到提督興工

恩平縣志 卷十三
孝宗宏治八年乙卯大有年

九年丙辰刺竹實而枯

十一年戊午大水

十四年辛酉火

武宗正德五年庚午盜破縣城劫庫尋獲之

時知縣莫汝能也民爲歌云戶侯虛佩樓蘭劍典佐徒誇國
士名多少邑人驚見處滿街雨過血痕腥尋獲賊首張子儀
是年詔撫兩廣流民

九年甲戌秋八月颶風傷稼

十二年丁丑五月行十家牌法八月立鄉約

東莞志
補遺

十四年己卯賊劫縣城提督都御史楊旦總兵官撫寧侯朱麒討平之

恩平賊蘇萬里與陽江賊馬文廣等合流劫恩平陽春陽江新興諸縣屯蓮塘樂安之間叅政張極僉事陳剛請於都御史楊旦總兵朱麒調民壯打手獐兵委知府黃瑗都指揮卞玉知縣黃寬等分道進剿數月乃平

世宗嘉靖元年壬午春督學魏校毀淫祠立社學

二年癸未提督都御史張預總兵官撫寧侯朱麒討嶺西賊平之

先歲壬午兵備副史王大用剿滅賊首梁明梁駝朱尾梁子

惠鄭國祥蘇文養蘇元用等尙有賊首蔡猛三在新寧及縣屬之白土萌蔡猛三聚衆數萬潛名號掠鄉落焚蓮塘驛爲害已久至是調兵二萬八千六百分二部進討俘斬一萬四千級嶺西平

五年丙戌大風拔木

冬十月地震有聲如雷

七年戊子大旱土賊宗英廖弟奴等作亂叅政祝崑叅將程鑒誅之

九年庚寅建啟聖祠

是年十一月更正孔廟祀典定孔子諡號曰至聖先師孔子

世宗